

خواطر

دعاء احمد

هلوسة

# هلوسة

ل

دعاء أحمد

جميع الحقوق محفوظة © عصير الكتب للنشر الإلكتروني

<http://book-juice.com>

## هلوسة

المؤلفة : دعاء أحمد

نشر في : يونيه 2016

تنسيق داخلي : عصير الكتب للنشر الإلكتروني



## إهداء

ل اغلى ناس عندى ربنا يحفظكم ليا  
ل لكل واحد شاف بالصدفة الكتاب وقرر يقراه  
اتمنى بجد كل واحد يلاقى نفسه ف اى خاطرة من دول

ملاحظة :

الكتاب دا مجرد خواطر وابعده ما يكون عن الشعر

الكتاب دا للجماعه المكتئبين فقط!!!

## إهداء

لكل حاجة قابلتها... ومحبتيش

لكل حاجة نفسى اقبالها.... ومبتجيش

لكل حد قال انا جنبك وخان العهد

لكل كلام جرح اتقال

ولكل كلام جوه القلب متقالش

لكل ماضى عدى

ولبكرة ال لسه مجاش

لكل حاجة قمتها غاليه

ولكل حاجة بتروح بلاش

لكل حلم رافض يتحقق

ولكل قمر ونجم

مصمم ف السماء يفرق

حواديت كثير واسرار

لكل شىء جميل كان بودى يكمل

ولكل صديقة وقت الخنقة قدر

لكل فرحه ملحقتش استمتع بيها

ولكل حلوة حلوة

وقت الضيقة باستنجد بيها

ليل وغربته وكام موال

لمشاعر مش ناوية تبوح

لصمت مليون هموم تتشال

لكل الباقي منك ومش قابل يروح!

\*\*\*\*

## (الرحمة تجوز)

ع كل ناس بعده بحجه الظروف

لكل حلم مستنى يطلع للنور

لكل حد باع

لكل حد امن بيك

لكل حد سابك

وقت ما اتعلقت بيه

الرحمه تجوز

لكل حد سايبها ع الله

وقال لحكمته .... بكرة نشوف

الرحمه تجوز

لكل حد ضهره اتكسر

بعد ما فقد ابوه

الرحمه تجوز

ع كل قلب مكسور

باسباب ونتيجه واحده

ع كل شيء كان مفروض يتساب

ع التوهان والوحده

الرحمه تجوز

ع كل قلب موجوع

عشمان ف الخالق

ع كل شيء مفروض

ف زمانا اصبح مش فارق

الرحمة تجوز

ع المسافات والاكتئاب

والكتاب ال فاضل ليك

ع علاقة اصبحت خد وهات

ع كل شىء ضاع من ايديك

ع الدموع والسفر

وغربة حبست نفسك فيها

ع حاجه يجد نفسك تلاقيها

الرحمة تجوز...مش بس لشخص مات

الرحمة تجوز...لشيء ضاع وساب اثر وفراغ فينا

الرحمة تجوز...لحاجات ماتت فينا!!

\*\*\*

## (حاجات ملازماك)

حاجات ملازماك.

حزنك

نوبات اكتئاب

دموعك

كل شيء يتساب

رجعوك لاول المحطه

حاجز عمره ما هيتخطى

سوء فهمك للصح

نيتك الصافية

طبيتك الدافية

عفويتك ال بتستخدمها مع الكل

قلقك.... مع انك بتطمئن الكل

غربتك لكل حاجه... اولها نفسك

عدم فهمك للناس.. ومحدث فاهمك

هدوء خارجي... ودوشة داخلية

اول انطباع عنك... شخصية تنكة وانانية

احتياجك لحاجات... عمرها ما هتكون ليك

احساسك وكأنك وباء... كل الناس بتروح منه بعيد

جرح من ناس ع شكل هزار

كل دا وبتسئل... ليه بتنهار!؟

\*\*\*\*

## (وحشتونا)

وحشتونا

يالى انتوا فرقتونا

ومن غير سلام ولا كلام

حياتكم سبتوها

وشوية ذكريات نصها

معاكم خلتهوا

ونصها معانا بيها احنا بتعذبونا

اصعب فراق تفارق ناس

صعب رجعوها للحياه

حتى لو بالالماس

\*\*\*\*

## (جزء مكملش)

انا اتحسنت كثير ... لكن

دا ميمنعش انى لسه وحيد

بفرح وياهم وبضحك

ف 100 صورة

بس من جوايا لسه عنهم بعيد

اتعلمت ازاي اتعايش

مع الماضي ومع الكان

اتعلمت ازاي اشوف بكرة

وازاي اخد بعين الاعتبار زمان

بعامل بنى ادمين

باسم انى انسان

وجوايا شرح كبير

لا يمكن يحويه النسيان

كام لحظة جرح!؟

بوهم نفسى انى نستها

كام حد مجبر اتعامل معاه

كام حاجه بوهم نفسى انى حبتها

كام حد سابنى وكان نفسى اكمل وياه

تلخيص الكلام

انا بعاملهم زى ما ربنا قال

به طبقتى ال مش غباء

به خوف من لحظة فراق

بجربى ف الدنيا وكأنى كورة.... من حد للتانى

ولسه بيتقال عليا... انى انانى

ولسه ساكت

لسه بضحك ف صورة

لسه بقول معلىش

لسه جوايا انسان مكملش!!!

## (الف شكر)

احب قوى

قعدة الليل

والقمر يوم 14

انا دايماف كل حاجه ... كنت الخاسر

او يمكن لحد الان...محدث بكرة عارف ايه هيكون

بس الاكيد...انى لسه وحيد

مهما يكون حواليا ناس

وانى لسه بخاف م الفراق

وذكريات ف دماغى متقطعه

ومش مسامح اى حد باع

وبقدر جدا

ال وقت الضيقة قدر واشترى

وفخور جدا

بالناس الجدعه

بناس شايله حزن كبير...ومازالت مبيتسمه

فخور بكل من تحدى الظروف

بكل حد مخلهاش الخوف يتحكم فيه

انا راضى بكل حاجه كانت او هتكون

وبشكر جدا صاحبي البجد

والصاحب ال خان وعمل مظلوم

انا بشكر الدنيا....ويقولها الف شكر

وبطمنها.....ان البراءة ال فيا عمالة تقل النص!!!

\*\*\*\*

## (غنيمة)

لسه بترتبيك ... لما تكلم حد متعرفهوش

او كلمك فجأة

لساك مش مستوعب مفاجأة

ان كل دول حواليك

وبقيت غرقان ف دوامة ناس

ومصالح مبتخلصش

لسه جواك جزء ابيض

قطر الدنيا ملوئهوش

لسه جواك طفل

كل الناس مبيشفهوش

بسبب وش جرافك

سيادتك مركبه

شخص عاقل ... يمكن رزين

شخص قادر يحى هم الغير

والجواك .. اكيذ اضعاؑ العكس

جواك بيحن لزمان .. ايام الوحدة وراحه البال

اما الان بتجرى من هنا هنا

صالح فلان زعلان ... عندى طلب

تيجى نخرج فسحة جنان

وش الجرافك

مسيره ف يوم يتلف

وطريق وقف

لازم طبيعى يكمل

ارجع لىك

ارجع للحقيقة

البعد عن الناس غنيمه ...

البعد الناس رحمه لينا ..

\*\*\*\*

(ليه؟)

ليه كل شىء بينتهى؟!

ليه دايمًا بنلاقى نهاية؟!

لوع الحاجات الوحشه... ياريت اصلا متبتديش

بس الحاجات الحلوة... ليه متبقاش مستمرة؟!

ليه الوجع! ليه الضياع؟!

ليه كل قريب باع؟!

ليه الخوف؟!

ليه القلق؟!

ليه ف ناس وصلنا ف عشقها للمنتهى؟

ليه بنستنى ناس مش راجعه؟!

الحكمه اصلا

انا مش كل ليه ليها اجابة

ف حاجات ادمانها عادة

بتحصل بتقدير من الله

ف سبها ماشية وعيش

كله خير مهما كان

\*\*\*

## (بواقى انسان)

مبسوط من ايه يعنى!؟

ضيعت كل حاجه بغبأك

مكنش ف شىء فلا يستاهل

تزعل نفسك وتبكى عشانه

صاحب خان! وايه يعنى!؟

كتير ف الدنيا قوى خانوا!!

حبيب راح... ما أكثرهم

موضة الحبايب ف زمانا يتسابوا!!

كام هم شايله؟

كام حلم ضاع... بسبب خوفك م المواجهه

سبت خوف يتحكم فيك

سبت قلق بيناديك

سبت ذكرى حلوة مسحها النسيان

اصبح الباقي منك.....

بواقى انسان!!!

\*\*\*

## (دور على نفسك)

دور على نفسك جواك

تاها منك بالايام

دور ع نفسك جواك

هتلاقى حزن بمختلف الانواع

ضيع منك نفسك تاها منك جواك

كنت ملكش ف اى حاجه غير

كان يضحك عليك بكلمتين

دلوقتي مفيش صدق

ف اى شىء يتقال

دور ع نفسك جواك

ضيعتها ولا هى ضيعتك

سؤال ملهوش اجابة

كام حاجه كنت بتكرها

وبقت عندك عادة؟!!

ومتسئليش ازای!!

دور ع نفسك جواك

ضحيت ياما واتنازلت اكثر

وكل مادا همك بيكبر

افتكرت ان ممكن خيالك يتحقق

واهو طلع اوهام

دور ع نفسك جواك

اتغيرت بالتدريج

حكايت كثير متتحكيش..حصلتلك

كلام كثير اتقالك..وحكاوى كثير اتحاكتلك

كل شىء منفعش معاك

كل شىء ليه اخر

دور ع نفسك القديمه جواك

دور عليها وعافر

\*\*\*\*

## (انتى احلى)

انتى حلوة زى مانتى

وكل شىء فىكى جميل

انتى فعلا بيكى شىء

ملهوش مثيل

انتى حلوة بضحكتك

نظرة عيونك... وقت زنقتك

وبشقاوتك وفلسفتك

ع صاحبك

انتى حلوة

بهازرك وبجدعتك

وبوقفتك ب 100 راجل

حتى وقت عياطك

وتكشرتك

حلوة بطريفة كلامك

وعصبيتك

حتى ف وقت حزنك وخنقتك

ليكى وضع خاص

تأكدى دايما

انك غير كل الناس

وانك حاله غير

واوعى يوم تتجهى لتقليد الغير

تأكد ان نفسك اصلا

كل شوية بتحلى

سيبك م الناس

انتي غيرهم

انت احلى

\*\*\*\*

## (ديكور)

لما تحس انك ف حياة ناس كدا ديكور

وغيرك بقى مستنى يستلم منك الدور

بمعنى من حياتهم يخرجوك

ولما تبقى ف حياتهم زى الانتيكا

او هامش ممكن يتمسح

بلمسه استيكا

اسبقهم وامسح انت نفسك

قبل ما يمسخوك

\*\*\*\*

ف ليله خنقتك بتزيد

من غير سبب ولا دليل

حيرتك تكبر اضعاف اضعاف

دماغك مليانه حوارات

كل دا بيعمل كوكتل عندك

بيبقى مش طالع منك صوت

وحتى لو عايز

مش هتلاقى غير سكوت

\*\*\*\*

## (عائش)

عائش وبعدي ويقول عادي

بس انا من جوايا مش راضي

يمكن بضحك بصوت عالي

بس من جوايا حزن ماليني

ونفسي الناس تفهم ال جوا عيني

يلا الحمد لله .. هقول ايه غير كدا

اصل ف ناس ملهاش غير كدا

التجاهل ثم التجاهل ثم التجاهل

اصلي حاولت معاهم ولسه يحاول

افهمهم ولسه مش قادر

العيب منهم ولا مني مش عارف

برجع واقول معلش

كل واحد فيه المكفيه

اظهر انا بس الناقص الناس تيجى عليه

يارب انا تعبت بس راضى ومكمل ف طريقى

وبقول لعله خير ربنا يحمينى

من شر نفسى ومن شر غيرى

وهفضل اقول كدا حتى لو تعبان

اصل كما تدين تدان

\*\*\*\*

## (عمرك حسيت؟)

عمرك حسيت

انك مليت؟

ما الحياه ومن ال فيها

نفسك اصلا مش لاقيتها

لا عارف تاھت منك

ولا انت بايدك ضيعتها

جواك اكبر من سنك

فحياتك بدلتها

حزين ع الراح

ومش متأكد من الجى

عايز تلاقى فى الكون براح

وتاخذ م الشمس ضى

لو انت كدا بصحيح

فعيد حساباتك وعيد

هتلاقي حاجه اكيد

ترجع عشائها تاني تعيش

\*\*\*

## (اسوء اللحظات)

وف اسوء اللحظات

هتحمس ان كل الفرحة فات

دا لو محستش ان مفيش ف حياتك فرح

ف اسوء اللحظات

هجيلك احساس بالضيق

قرب ساعتها من ربك

واحكيه ال ف قلبك

ربك كريم قادر يفرجها

نام واطمن قادر يعدلها

اما مشاعرك سابها

ومع الوقت هترجع لطبيعتها

والحالة ال عشتها دى

اعتبرها اعادة شحن

عشان حياتك تكملها

مهي لحظة من ضمن اللحظات

ولازم هتتعاش

\*\*\*

# (الوضع العام)

الوضع العام يا سادة

خنقة وضيق

ومفيش قدرة لعمل اى شىء

انا كنت زمان فاكر انى

لما اكبر دا احسن لى

الوضع العام يا سادة

اصبح قانون المصلحه

ومفيش حاجه لحد الان مفرحه

عمر السن ما يحدد عمر انسان

فناس كبيرة ف العمر

وقلبها طفل

عمره ما كان كبير

وناس من كتر

الهم دخلت ع الستين

\*\*\*\*

لو سئلت نفسك

ايه الحكمه م الحصلك

وارد جدا مش هتلاقى اجابة

وارد كمان تقول

ان زمانا الدنيا فيه بقت غابة

وبعد شوية تنفاجىء

بان الحصلك خير

ياصديقى ربنا كبير

وعالم به ال فيه الخير ليك

اطمن وبلاش تصدق شيطانك

فيه بكرة فرحه مستنياك

عمرها ما هتخطر ع بالك

\*\*\*\*

## (قاعده عامه)

اوقات الوجع بيفضل جوه القلب  
والصوت الطالع مننا بيكون بس ضحك  
دى مش قوة مننا  
ولا معناها اننا زى الفل  
بس ساعات من كتر الحزن  
بيطلع مننا عكس رد الفعل  
شوف خدها قاعده عامه  
لو لقيت حد ع طول  
بيهزر وبيضحك  
ويقولك محدش واخذ منها حاجه  
اعرف وجع بيخنق  
وخذ كفايته وزيادة  
من وجع وخيانه

(حالة)

وتيجى علينا اوقات

مش عارفين ايه نوع الاحساس

ال ف اللحظة بنعيشه

زى جمود وف نفس الوقت اضطراب

جوه القلب وبنشوفه

لا عارفين نفرح ولا نخاق

نحزن... نطمئن....عاشن كدا وخالص

ف الفترة دى

بيبقى نص عقلنا ف حاجه

والنص التانى ف ناحيه

برمجته الاحساس

بتكون صفر ف الثانيه

حاله وعاشها كثير

اصلا مين ف الدنيا دى

دماغه مش مقسومه نصين

\*\*\*

## (فلاش باك)

بتلف تلف وترجع

تشتاق لكل الفات

تسيب الناس وتبعد

وف اوضتك تتفرج

ع اليوم الحكايات

شوف بص كدا

كنت ازاي طفل برىء

واحسن حاجه كنت

لا تفقه ف الحياه شىء

كنت وكنا

بنتمنى نكبر ونشوف الدنيا

ولما كبرنا عرفنا ان الصغر دا

أكبر نعمه

وتقلب تانى...

كبرت شوية وبقيت ف اعدادى

مزاكرة وتلفزيون... لعب دح ف امتحانات طول اليوم

لمة عيله ف الشتا تحضن وتدفى

اهل واصحاب بتخاف عليك

حاليا مش بتشوفهم غير كل عيد

اصلا الدنيا ف زمانا كتير بتنسى

صفحة جديدة

لما اصبحت انسان جديد

كبرت واستوعبت كل حاجه حواليك

الدنيا ظالمه

وانت كنت المنجى عليه

وحبيبه ضاعت منك

والقال انا جنبك

ساب الاول

وبقى اكثر حد جايب ف سرتك

حاجات كتير اوى ضاعت

نفسك منك تاهت

اقفل بقى كفاية تعب

لو بتحاول تهرب م الواقع ب الفات

صدقنى

دا بيزيد فوق الوجع اوجاع

\*\*\*\*

## (ظلم)

اندم يلا

مستنى ايه

اندم ع سكوتك ع ظلمك

ولا هتقول مش بايدى اعمل ايه؟

حسبى الله تغنى عن كل شىء

لو جربت تظلم قبل كدا معناها

انك جربت

كسرة قلب

كسرة نفس

كسرة فرحه

كانت دورك بس الدور لف

لو جربت الظلم معناها

حيطان سودا.... كأبه

وروح مكتومه

خنقة وضيقه

وشخبطة مكتوبة

لو اتظلمت معناها

اتخطمت بعد ما تعبت

لو اتظلمت معناها

ولا 100 كلمة ممكن تخفف من اى حد

ولا الف طبطبه تريحك بعد الجرح

الله وحده عالم المظلوم حاله ايه

الله وحده عارف العذاب قد ايه

محدث هيفهم هو حاسس بايه

والع لسانه حسبي الله

تغنى عن كل شىء

\*\*\*\*

## (رسالة مبتوصلش)

وبالتأكيد وبشهادة الجميع

مطلعتش زى ما انت فاكرا

طفل برىء وديع

طلعت لا تفقه فى حاجه شىء.

والحلوا الجواك مبيتشفش

اثبت انك فاشل

والمشكلة انك عارف

ويارب انا بمحاول

افهمهم ومبعرفش

ياكثر واحد مهموم

ياكثر حد الناس ضده

هتفضل ع طول فى حياتك

مبنى ع المجهول

وكل حاجة بتهدك

\*\*\*

## (رسالة مبتوصلش 2)

مه طبعى محدش فاهمك

انت اصلا مش فاهم نفسك

وكأنك جواك حد تانى

مخبيه جوه ملامحك

بس مش عارفين تتفقوه

بتتكلموا بلغه مبهومه

نفسك تتفرقوا

ومتتجمعوش فصورة

او حد فيكم يرتاح م التانى

وياخد فترة غيوبه

\*\*\*\*

## (الموت)

-قدر تحكيلى عن الموت!؟

-انا حاسس انه لحظة سكوت

وان العالم كله من حواليا وقف

ومش مستوعب ان اغلى ناس

ف حياتنا خلاص

دورهم خلص

اصل دنيتنا عبارة عن قطر

وسكك كثير فيه بنمر

ولما بنوصل لنهاية سكه

ناس بتنزل وتنقص

من جوانا حتته

لحد ما تبقى انسان مليون شروخ

ادوية العالم كله لا يمكن تداوى الجروح

حاول تقرب من اخوك ..اختك

حاول تشبع م الناس ال بتحبك

حاول قبل النهاية

الموت عمره ما بيرجع شريط ورا

الموت مش حكاية بينتهى وجاعها

حتى لو بعد سنه

وليه نتفارق ولية نحزن؟

وليه نتوجع لما نشوف

شريط الذكريات بيقت

-اوعى تعترض يا صاحبي

مه ربنا اراد

وربنا ما بيظلمش حد

دا لان الموت علينا حق

\*\*\*\*

## (ايه حكايتك؟)

اليومين دول؟

جواك كلام كثير مبهم

جواك صمت وحيرة وخوف

جواك قلق من بكرة

وضيقه من امبارح

ولو لحظة الناس سابتك

بتقوم اوم سارح

جواك حاله غريبة

مش عارف تفاصيلها

تخلص حدوته

وتدخل ع غيرها

يا عالم بتفاصيل وحوارات

مبقتش طالب منك

غير انسى كل شىء حصالى وانام

مش طالب غير

دفا وامان

مش محتاجه غير حبه حنيه

دا انا موحوع لدرجه

وجع قلبى ودموعى

اول ما بسمع اغنية

كأنى ما صدقت اسمعها

اهى اى حاجه تبقى منفذ ليا

ومن كتر التفكير

يومى يطول ويطول

ويفضل نفس الحوار بيدور

ايه حكايتك اليومين دول!؟

\*\*\*\*

## (اسف يارب)

انا اسف يا ربى

عارف انى اتمديت ف ذنبى

بتوب بس برجعله تانى

انا ممكن اكون انانى

بس بجد بجد بجد

ونفسى اقرب منك

اصل انت بجد تتحب

ومن بعدك مليش حد

عشمان ف رحمتك وكرمك

تغفرلى وتقوينى ارجعلك

رجعه مش بعدها غياب

يارب المرادى مبقاش كداب

الدنيا وانا مش معاك عذاب

حياتي واخرتي بايدك

يارب مليش غيرك

\*\*\*

## (كبرياء)

مكسور ميت حتة من جواك

وتبان مبسوط

ومفیش زيك

لو تنوى ف يوم تبكى

يمنع عقلك دموعك وتكون ضدك

تضحك...ومليون حاجه عايزة تهدك

تستحمل وتستنى الفرحة باشيتاق

يااخي

ملعون ابو الكبرياء

\*\*\*\*

وكأنك حد تانى متعرفهوش

والفصورة دا

انت متشبهوش

وكأنك خنقة العالم كله

جت فوق قلبك

ومش عايزة تروح

وسكوتك دا اجبار

عشان مش طالع منك صوت

حقك ضايع ف الدنيا

اوعى مترجعوش

\*\*\*\*

## قصاقيص

\*\*\*\*

حاولت كثير انا اسف

غصب عنى بقيت بارد

كنت اعدى واقول معلش

اتحولت واصبح مفيش عندى شىء فارق

\*\*\*\*

انا اقرب حد لغيرى

وابعدهم عن نفسى

اصبح جامد الشعور

الدنيا كثير بتنسى

بعاتب سيني واقول ليه؟

ومسمعش غير معلشى

\*\*\*\*

يا ضحكك ف عز الفضضة

وتجربة قلبت بجد

يا وجع ملهوش حد

اصبح بعد ربنا غيرك

مليش حد

#عن الوحده اتحدث

\*\*\*\*

حالتى الان no comment

ف ناس من كتر حلاوتها

بتخليك تجن

وناس بسببها جرحك مش قادر يلم

وحاجات تعبانا

وبغبأنا ليها بنحن

\*\*\*\*

مش كل شىء يتقال

مش كل شىء بيه بنبوح

ف ضحكة بتطلع من غير سؤال

وصاحبها عايش من غير روح

\*\*\*\*

مشكلتك انك

لا عارف تهدى وتصفى

ولا عمرك هترجع ماضى

انسان جواه حرب قايمه

وبيان من براه فاضى

\*\*\*\*

مبقتش فاهم ايه جواك

ولا ايه بيحصل

جواك تايه

نفسك الحرب تنتهى اوام

نفسك تشوف النور

لكن مبقتش شايف

نفسك تكسب نفسك مرة

لكن ع طول بيطلع

معاك شايب

\*\*\*\*

مبقتش فاهم ايه بيجرى

ولا بصالح مين يزعل

ولا اصلا بهتم

احداث حياتى ما ليحصل

قلبت ع فيلم قديم وممل

\*\*\*\*

وتسافر بيبك الذكرى

لاماكن كنت نستها

لاعارف تشتاق ولاتحزن

ولاتندم ع العملته ساعتها

\*\*\*\*

دايما نهاية اى حاجه حلوة بيتجى

قبل ما الحق اشبع م البداية

وال باقى منها عباره عن

كام صورة ع كام حكاية

ذكرى ع هيئة شظايا

\*\*\*\*

الاهتمام مش بالكلام الكثير او الهدايا

ف ناس بتتكلم مرة واحدة فى اى وقت

وبتحقق اكبر المنايا

وناس طول الوقت مع بعض

والبيجمعهم بس العادة

\*\*\*\*

فالحقيقة

انا كنت رافضة اكون بريئة

بس طبعتي غلبتني

ومع الناس توهتني

حسسوني اني مليش قيمه

فبقيت انسانه منسيه عنى غريبة

\*\*\*\*

اعمل الخير للناس

خيرك ليك هيتشال

هيلف يلف ويرجعلك

مهما بعد راح يوصلك

\*\*\*\*

متفكرش فبكرة كتير

ساعات كتر التفكير

بيضيع مننا لحظات حلوة

بضيع قمتها لما تبقى ذكرى

\*\*\*\*

احنا الجيل ال شايل همومه واحلامه

بسئل ابويا....هو كان فيه كدا ف زمانه؟!

\*\*\*\*

انسان حاسس ان مفيش حاجة فيه تتعاش

وكأن كل الجواه طلع ع المعاش!!

\*\*\*\*

حاجة وحشة اوى ...ان كل حاجة ف الدنيا وحشه

انا انسان لقي... ف وسط ناسه الغربية

\*\*\*\*

ومهما انكسرت ارجع وقوم تانى

تأكد انك في يوم هتوصل

والتعب هتنساه ف ثوانى

\*\*\*\*

الضربة ال مش بتموت

مش بتقوى

دى ساعات بتقسى

ومش بتنسى

\*\*\*\*

انا ليه كل ماقول هبتدى

برجع تانى لنفس النقطة

ليه مش قادر اغير دنيى

وارجع زى العادة

وتبلل دموعى السجده

\*\*\*\*

اوعى تبكى ع حد باع

شيله فورا من قلبك

فناس كتير ف الوداع

بتكون خسارتها مكسب

\*\*\*\*

انا مليون الف حاجه جوه بعض ومش مفهومه

انا عمري ما كان ليا علاقة بضحكه ليا ف الصورة

\*\*\*\*

حاجات كتير مش مفهومه

ف الحياه كدا بنشوفها

حياتنا زى الفوزرة

محدث عارف ابعادها

\*\*\*\*

اصل الحكاية شىء غريب

لا قرب ولا بعاد نافع

ف ناس كدا

فحياتك مهما كنت منهم قريب

هيفضل فرق البعد شاسع

\*\*\*\*

مش اى حد كتب كلمتين يبقى شاعر

ولا 100 قصيدة تقدر توصف حالة ضعف المشاعر

\*\*\*\*

ف عقلك منبه لو عايز حاجه هتعملها

مهتم بالناس ال بايعه

والناس ال بتحبك مهملها

\*\*\*\*

مش كل شىء يتقال

مش كلام ليه رد

ف حاجات مجربين نعيديها

والا كان باب علاقتك

ملهوش غير الصد

وساعتها مش هتعرف حد

\*\*\*\*

اشترى خاطر الناس

هيجى يوم ويشتروا خاطرك

افهم حكمة ربنا بكرة هتفرج

\*\*\*\*

وكل ما اقول النهاية حلت

ترجع تانى من جديد

وارسم احلامي معاك من تانى

وكأنك حالف متنتهيش

\*\*\* تم بحمد الله \*\*\*

## شكر خاص

لكل حد شجعني وشاف اني بعرف اكتب ولو بنسبه 1%

ل اسماء ويس

الكتاب خلص ممكن تكون مستفدتش اى حاجه وممكن يكون ف اكثر من خاطرة عجابتك وممكن تكون مكملتش الكتاب اصلا!!

بس الشكر ليك انك ادبت شغلي فرصه انك تشوفه

اتمى بجد يكون اى حاجه ف الكتاب عجبتمكم

.....اللهم لك الحمد